



中武  
612  
28



門 試  
編 612  
卷 28



重訂唐王燾先生外臺秘要方第二十八卷目錄

中惡 鹽注自縊賜死  
溺死 凍死 一十八門

中惡方一十三首

卒死方二十四<sup>三</sup>首

客忤方一十三首

卒魘方二十一首

鬼擊方一十首

尸厥方一十二首

中蠱毒方二十一首

蠱吐血方一十首

蠱下血方九首

小臺秘要

二十八卷目錄

運余子



五蠱方一十二首

蠱注方三首

蠱毒雜療方五首

猶鬼野道方三首

自縊死方一十五首

熱暈方七首

溺死方九首

凍死方一首

入井塚悶方二首

唐王燾先生外臺秘要方第二十八卷

宋朝散大夫守光祿卿直秘閣判登聞鼓院上護軍臣林億等上進

新安後學程衍道敬通父訂梓

中惡方一十三首

病源中惡者是人精神衰弱為鬼邪之氣卒中之也夫人陰陽順理榮衛調平神守則強邪不干正若將攝失宜精神衰弱便中鬼毒之氣其狀卒然心腹刺痛悶亂欲死凡卒中惡腹大而滿者診其脉緊大而浮者死緊細而微者生又中惡吐血數升脉沉數細者死浮焱如疾者生中惡

外臺秘要

二十八卷

經余

通按  
發音

有差後餘勢停滯發作則變成注

又中惡死候中鬼邪之氣卒然心腹絞痛悶絕此是客邪  
暴盛陰陽為之離絕上下不通故氣暴厥絕如死良久其  
真氣復則生也而有乘年之衰逢月之空失時之和謂之  
三虛三虛而腑臟衰弱精神微羸中之則真氣竭絕則死  
也其得差者若餘勢停滯發作則變成注並出第二十三  
卷中

廣濟療卒中惡心腹刺痛去惡氣方

麝香 一分 研心 青木香 二分 生犀角 二分 屑

右三味為散空心熟水服方寸匕日三服立効未止更作  
不利 忌如常法出第四卷中

肘後華佗療中惡短氣欲絕方

灸兩足大拇指上甲後聚毛中各灸二七壯即愈又

法三七壯集驗張文仲備急同

又方

杏仁七十枚 桂心 二兩 甘草 一兩 炙

麻黃 三兩 去節 一方 四兩

右四味切以水八升煮取三升分三服含嚥之通療諸  
昏客忤良忌生葱海 常法藻菘菜等物

又方

韭根 一把 烏梅 十四顆 茱萸 半升

右三味切以勞水一升煮之以病人櫛內中三沸櫛浮者生沉者死煮取三升飲之大効

又方

桂心 一兩 生薑 三兩 梔子 十四枚 豉 五合

右四味搗碎以酒二升微煮之去滓頓服之取吐為度並出第一卷中

集驗療中惡道尸心腹及身體有痛處甚者短氣不語手摸按之得其痛處則病色動惡人近則是痛處方

取艾葉小菜按碎著痛上厚寸餘鋪中煮湯和灰作強泥人熱薄艾上冷輒易之不過再著則愈出第七卷中

療中惡心痛胃脅疝痛喘急湯方

桃東行枝白皮 一握虎口 真珠 一兩 梔子 人十四枚

生薑 二兩 當歸 一兩 桂心 各三兩 附子 一兩炮

香豉 五合 吳茱萸 五合

右九味切以水八升煮取二升去滓內真珠分二服忌

如常法猪肉 小品同 生葱生血物

又方

仰臥以物塞兩耳以兩個竹筒筒內死人鼻中使兩人痛吹之塞口傍無令氣得出半日所死人即噫噫勿復吹也千金同

又方

搗皂莢細辛屑取如胡豆大吹兩鼻孔中單用皂莢末亦佳千金  
同並出第四卷中

刪繁療中惡痛欲絕方

釜底墨 五合

鹽 二字宋小書 鹽一撮

右二味和研以水一升攪調一服范滂同

又方

牛屎新故並得一物若新絞取汁五合為一服口不開扣齒內藥若無新  
者乾者即以水和取汁並出第十卷中

崔氏療卒中惡氣絕方

取真珠研末書各作書鬼字于舌上額上亦書鬼字驗

又方

灸右肩高骨上隨年壯並出第四卷中

卒死方二十四首

病源卒死者由三虛而遇賊風所為也三虛謂乘年之衰  
一也乘月之空二也失時之和三也人有此三虛而為賊  
風所傷使陰氣偏竭於內則陽氣阻隔於外二氣擁閉故  
暴絕如死也若腑藏氣未絕者良久乃蘇然亦有挾鬼神  
之氣而卒死者皆有頃邪退乃活也凡中惡及卒忤卒然  
氣絕其後得蘇若其邪氣不盡者停滯心腹或心腹痛或

身體沉重不能飲食而成宿疹者皆變成症

又卒忤死候犯卒忤客邪鬼氣卒急傷人入於腑藏使陰

陽離絕氣血暴不通流奄然厥絕如死狀也良以陰陽之

氣和乃蘇若腑藏虛弱者死亦有雖蘇而毒氣不盡時發

即心腹刺痛連滯變成症也並出第二十三卷中

甲乙經云黃帝問於岐伯有卒死者何邪使然答曰得三

虛者暴疾而死得三實者邪不能傷也黃帝曰願聞三虛

答曰乘年之衰逢月之空失時之和因為賊風所傷也願

聞三實答曰逢年之盛遇月之滿得時之和雖有賊風邪

氣不能傷也有卒死不知人有復生何氣使然陰氣先竭

陽氣未入故卒死而不知人氣復則生

集驗同出第六卷中

肘後云卒死中惡及尸厥者皆天地及人身自然陰陽之

有乖離否隔上下不通偏塌所致故雖涉死境猶可療

而生緣氣未都竭也當爾之時兼有鬼神於其間故亦可

以符術護濟者

又卒死或先有病痛或居常倒仆奄忽而絕皆是中惡之

類類

中央刺鼻令入七寸無苦

取葱刺鼻令入數寸須使目中血出乃佳一云耳中

血出佳此扁鵲法同後云吹耳中葛氏吹鼻別為一

法肘後集驗備急文仲必効等同崔氏亦療中惡

通按  
倒仆肘  
後作寤  
厥

肘後作  
寤臥

境

又方

令二人以衣壅口吹其兩耳亦可以葦筒吹之並捧其肩上側身遠之莫臨死全

又方

以葱刺耳耳中鼻中血出者勿怪無血難療之有血

者是活候也其欲蘇時當捧兩手莫放之須臾死人

目當舉手撈人言痛乃止男刺左鼻女刺右鼻孔令

入七寸餘無苦立效亦療自縊死此扁鵲法附後集

又方

視其上脣裏弦有青息肉如黍米大以針鍼決去之差

附後同

又方

以小便灌其面數過即能活此扁鵲法也附後集驗明

又方

以綿漬好酒內鼻中手按令汁入鼻中並持其手足

莫令驚動也附後同

又方

灸其脣下宛宛中名承漿十壯大良附後同並出第一卷中

文仲療卒死方

濕牛馬糞絞取汁以灌其口中令入喉若口已噤者

以物強發若不可強發者扣折齒下之若無新者以



水若人尿和乾者絞取汁扁鵲法集驗備急用後同

又方

以細繩圍其人肘腕中男左女右伸繩從背上大椎度以下行脊上灸繩頭一云五十壯又從此灸橫行各半繩此凡三灸各灸三壯卽起

又方

令人痛瓜瓜其人人中取醒不起者捲其手灸下文頭隨年壯

又方

灸鼻下人中三壯

次臍中百壯

又方

半夏末如大豆許吹鼻中

又方

擣薤若韭取汁以灌口鼻中張文仲集驗范汪同

又方

猪膏如雞子大苦酒一升煮沸煮灌喉中集驗肘後備急同

又卒死而壯熱者方

礬石半斤煮消以漬脚令沒踝肘後范汪同並出第一

備急療卒死而目閉者方

騎牛臨其面，搗薤汁灌耳中，未皂莢吹鼻中。集驗文

仲肘後范注同

又療卒死而張目反折者方

灸手足兩胛甲後各十四壯，飲以五毒諸膏散，有巴豆者良。肘後張文仲同

又療卒死而四肢不收失便者方

馬屎矢一升，水三斗，煎取二斗，以洗足，又取牛糞一升，溫酒和灌口中。肘後同

又方

灸心下一寸，臍上三寸，臍下四寸，各百壯良。肘後同

又卒死而口噤不開者方

縛兩手大拇指，灸兩白肉中二十壯。肘後文仲范注同，並出第一卷中

**集驗**療卒死無脉，無他形候，陰陽俱竭故也方

牽牛臨鼻上二百息，又灸熨斗，以熨兩脅下，鍼兩間，使各百餘息，灸人中。

又療卒死而有脉形候，陰氣先盡，陽氣後竭故也方

嚼薤脯灌之。肘後張文仲千金范注同，並出第一卷中

**古今錄驗**司空三物備急散，療卒死及感忤，口噤不開者方

巴豆去心 乾薑

大黃各等分

右藥搗篩為散服如大豆許二枚以水三合和之腹脹煩熱復飲水能多益佳

又療心腹痛病活幾死服此得小利差如腹常滿痛當令得

下差一方服如刀圭以酒下之不能刀圭者便丸如大豆

許四枚須臾不知復加一豆許不差又加一豆許若病者口噤

不能自飲搗口含之藥不預合預合氣力歇卒病者便合

之無白木柸中擣耳不過三服取利無不差者蜜丸大豆

出第四卷中

客忤方一十三首

病源卒忤者亦名客忤謂邪客之氣卒犯忤人精神也此

是鬼厲之毒氣中惡之類也人有魂魄衰弱者則為鬼氣

所犯忤喜於道間門外得之其狀心腹絞痛漲滿氣衝心

胃或即悶絕不復識人肉色變異臍臑藏虛竭者不療即至

於死然其毒氣有輕重輕者微療而差重者侵尅臍臑雖

當時救療餘氣停滯久後猶發乃變成症出第二十三卷中

肘後論曰客者客氣也忤者犯也謂客氣忽犯人也此惡

鬼毒厲之氣忽逢觸之其氣有衰歇故不能害人如自然惡氣療之多愈亦有侵尅臍臑雖是氣未入身而後猶宜

治療以消餘勢不爾終為人患今有時輒發

又客忤死者中惡之類也喜於道間門外得之令人心腹

宋本此條字上方後文接合為一條故低一字

絞痛脹滿氣衝心胃不即療亦殺人救之方

灸鼻下人中三十壯愈備急文仲同

又方

以水漬粳米取汁二升以飲之口已噤者以物強發之

又方

以銅器瓦器盛熱湯器著腹上轉冷者微去衣器觀肉大冷者易以熱湯取愈也

又方

先以衣三重藉腹上以銅器著衣上稍稍少許取茅草於器中

燒之草盡再益之勿頓多也取愈乃止備急文仲同

又方

以繩橫其人口以度度臍去四面各一處灸三壯令火俱起也

又方

橫度口中折之令上頭著心下灸下頭五壯也並出第一

卷中

又療客忤心腹絞痛脹滿氣衝心胃煩躁壯熱或氣悶絞刺此鬼魅之氣未散方

麝香 一錢

茯神

人參

天門冬 去心

鬼白

**菖蒲** 等分

右六味蜜丸如桐子服十九日三

交仲扁鵲療客忤有救卒死符並服**鹽**湯法恐非庸世所

能用故不載而此病即今人所謂中惡者與卒死鬼擊亦

相類焉療皆參取而用之已死者方

擣生**菖蒲**根絞取汁含之即愈備急別後同

又療卒忤停尸不能言者方

燒桔梗二枚末飲服之

又方

細辛 桂心 各等分

右二味內口中別後備急同

又卒忤口噤不開者方

生附子末置管中吹內舌下備急別後同並出第一

千金療客忤惡氣方

吞麝香加大豆立驗可出第五卷中

千金翼客忤方

灸間使七壯又肩井百壯又十指甲下各三壯出第二十

七卷中

卒魘方二十一首

病源卒魘者屈也謂夢重為鬼邪之所魘屈也人卧不寤

皆是魂魄外遊爲他邪所執錄欲還未得致成魘也忘火照火照則魂魄遂不復入乃至於死而人有於燈光前魘者本由明出所以不忌火也其湯熨鍼石別有正方補養宜導今附於後養生方導引法云拘臆門制鬼戶名曰握固注屈大拇指著四小指內抱之積習不止眠時亦不復開令人不魘魅又云人魘忽然明喚之魘死宜聞喚之好唯得遠喚亦不得近而急喚亦喜失魂魄也又魘不寤候人眠睡則魂魄外遊爲鬼邪所魘屈其精神弱者魘則久不得寤乃至氣暴絕所以須傍人助喚並并以方術療之卽蘇也並出第二十三卷中

附後療卒魘寐不寤方

卧忽不寤勿以火照之殺人但痛其脚踵及足拇指甲際而多嚼其面則覺也

又方

皂莢末以竹筒吹兩鼻孔中卽起三兩日猶可吹之也

又方

以筆毛刺兩鼻孔男左女右展轉進之取起也集驗同

又方

搗薤取汁吹兩鼻孔冬日取韭絞汁灌口集驗仲景文仲構急

同

又方

以蘆管吹兩耳並取其人髮二七莖作繩內鼻孔中  
割雄雞冠取血以管吹喉咽中大良並出第一卷中

集驗療卒魘方

以盥湯飲之多少在意並啣其足大指爪際痛啣之  
即起也附後文仲備急同

又方

以其人置地取利刀畫從肩起男左女右畫地令  
遍訖以刀鋒刺病人鼻下人中令入一分急持勿動

其人當鬼語求去乃其問阿誰以何故來自當乞去  
乃以指滅向所畫地當肩頭數寸令得去不可具詰問之矣

又方

雄黃細篩管吹兩鼻孔中佳並出第一卷中

崔氏主卒魘方

以氈帶左索縛其肘後男左女右用餘猶急絞之又  
縛牀脚乃詰問其故附後古今錄驗同

崔氏云療卒狂鬼語方以氈帶急令縛兩手大指便

灸左右脅下屈肘頭尖各七壯須臾鬼語自道姓名  
乞去徐詰問乃解其手

文仲療卒魘方

令一人坐頭邊守一人於戶外呼病人姓名坐人應曰在便甦活也附後同

又人喜魘及惡夢者方以下並辟魘方

取燒死人灰著履中令枕之

又方

帶雄黃男左女右也

又方

枕麝香一分於頭邊佳又灌香少許

又方

以虎頭為枕佳

又方

取雄黃如棗核繫左腋下令人終身不魘也集驗方注同

又方

作犀角枕佳

又方

青木香內枕中并帶之亦佳並出第一卷中

千金小定心湯療虛羸心氣驚弱多魘方志

茯神四分一本甘草炙芍藥 乾姜薑

大棗十五枚 遠志去心 人參 桂心各二兩

苓桂甘朮湯  
桂枝湯理中  
湯合方更加  
遠志去白木  
者也



前方如赤石脂  
龍骨防風  
紫苑當歸  
也

右八味切以水八升煮取三升分三服日三忌如常法  
又大定心湯療心氣虛悸恍惚多忘或夢寤驚魘志少不  
足方

人參 茯苓 茯神 遠志 去心

赤石脂 龍骨 乾薑 薑 當歸

甘草 炙 白朮 芍藥 大棗

桂心 防風 紫苑 各二兩

右十五味切以水一斗二升煮取三升半分為五服日  
三服夜二服忌如常法

千金要方療卒魘不覺方

灸兩足大指聚毛中二十一壯范注同出第二十七卷中

備急療卒魘不寤方

末灶下黃土若末或雄黃若末桂心末亦得

右以蘆管吹入兩鼻孔中文仲同出第一卷中

鬼擊一十首

病源鬼擊者謂鬼厲之氣擊著於人也得之無漸卒者如  
人以刀矛刺狀脅脅腹內絞急切痛不可抑按或即吐血  
或鼻中出血或下血一名為鬼排言鬼排觸於人也氣血  
虛弱精魂衰微忽與鬼神遇相觸突致之為其所排擊輕  
者因困而獲免重者多死也出第二十三卷中

通此門只  
擊方內  
跌一方

肘後鬼擊之病得之無漸卒著如人以刀矛刺狀胃脅腹內絞急切痛不可抑按或即吐血或鼻中出血或下血一名鬼排治之方

灸臍上一寸七壯及兩踵白肉際取千金翼同

又方

熟艾如鴨子大三枚以水五升煮取二升頓服之並出第一卷中

文仲療鬼擊方

鹽一升以水二升和攪飲之并以冷水濕之須臾吐即差備急肘後同

又方

粉一撮於水中攪飲之備急肘後同

又方

以淳苦酒吹令入兩鼻孔中肘後同並出第一卷中

備急療鬼擊方

燒鼠矢矢末如黍米許水和服不能飲以水和少許肉啖中肘後文仲同

又方

升麻

獨活

桂心

各等分

右三味為末酒服方寸匕立愈肘後同

通按 二音男 巫也擲 音拜上 聲擲音 瑣擊也

又有諸丸散並在備急條中今亟覓實見人忽被神鬼所擊刺擲損者先火切或犯其行伍或遇相觸突或身神散弱或愈負所招輕者獲免重者多死猶如周宜燕簡輩事不為慮也必應死者亦不可療要自不得不救之耳附後同並出第一卷中

剛繁倉公散方

特生礬石燒半研 皂莢炙去皮子 雄黃研 藜蘆熬

右四味等分搗為末主療卒鬼擊鬼排鬼刺心腹痛下血便死不知人及卧魘啣脚踵不覺者諸惡毒氣病取前散如大豆許以管吹入鼻中得嚏則氣通便活若未嚏復更吹之得嚏為度此藥能起死人漢文帝太倉令

淳于意以此方療如前病勝餘方若別疾不若至壺方等法崔氏情急范注等同出第六卷中

千金翼療鬼擊方

灸臍下一寸三壯出第二十七卷中

尸厥方一十二首

病源尸厥者陰氣逆也此由陽脉卒下墜陰脉卒上升陰陽離居榮衛不通真氣厥亂客邪乘之其狀如死猶微有息而不常脉尚動而形無知也聽其耳內循循有如嘯之聲而股間暖者是也耳內雖無嘯聲而脉動者故當以尸厥療之診其寸口脉沉大而滑沉則為實滑則為氣實氣

相搏身温而汗此為入腑雖卒厥不知人氣復則自愈

齊王膏

肘後尸厥之病卒死而脉猶動聽其耳中循循有如嘯聲而股間暖是也耳中雖無嘯聲而脉動故當以尸厥救之

方

張仲景云口吹其左耳自極三度復吹其右耳三度治方

以竹筒吹其左耳自極三度復吹其右耳三度治方即起也集驗張文仲備急同

又方

取左角髮方寸七枚燒之以苦酒丸擣昌蒲末如棗核大著舌下又內下部中范汪

同

白馬前脚甲二枚燒之以苦酒丸

如小豆大開口吞二丸須臾服一丸

又方

又方

灸臍下人中七壯又灸陰囊下去下部一寸百壯若婦人灸兩乳中間又以爪刺人中良久以鍼鍼人中令至齒立起此是魏大夫傳扁鵲法以療趙太子之患

又張仲景云尸厥病脉動而無氣氣閉不通故靜然如死耳方以昌蒲末吹入兩鼻孔中又以桂末著舌下云扁鵲療楚王法出第一卷中

集驗療尸厥方

剔左角髮方寸燒灰以酒和灌令入喉中立起肘後千金文仲備急必効同

張仲景云尸厥脉動而無氣氣閉不通故靜而死也治方  
至銳骨之  
端各分  
三四行其  
文極異已  
得校記今  
鈔宋本補  
填之也

相搏身温而汗此為入腑雖卒厥不知人氣復則自愈若  
唇正青身冷此為入藏亦卒厥不知人即死候其左手關  
上脉陰陽俱虛足厥陰足少陽俱虛也病若恍惚不知人  
妄有所見也出第二十三卷中

張仲景云尸厥脉動而無氣氣閉不通故靜而死也治方

菖蒲屑納鼻兩孔中吹之令人以桂屑著舌下

又方

取左角髮方寸七燒末酒和灌令人喉立起

肘後方

白馬尾二七莖白馬前脚甲二枚燒之以苦酒丸

如小豆大開口吞二丸須臾服一丸

又方

灸鼻人中七壯又灸陰囊下去下部一寸百壯若婦  
人灸兩乳中又云爪刺人中良久又針人中至齒立  
起此扁鵲法

又方

以繩圍其臂腕男左女右繩從大椎上度下行脊上  
灸繩頭盡處五十壯活此是扁鵲法

又方

熨其兩脇下取炷中墨如彈丸大漿和飲之更以管

又方 吹耳中令三四入更互吹之

又方

以繩圍兩臂腕男左女右伸繩從大椎度下行當脊上

以灸繩頭五十壯即活云扁鵲灸法肘後同出第一卷中

備急療尸厥方

針百尉其兩脅下又取竈中墨如彈丸以漿水和飲之須

大指更三四度也以竹管吹其耳中令三四入更互吹之

又取梁上塵如小豆許竹管吹入鼻孔中集驗文仲

肘後崔氏范汪同

右宋本

又方

灸臆中季肋間二七壯也肘後惟云灸臆中集驗同

千金論曰風寒之氣客於藏間滯而不能發故瘖不能言及喉痺失聲皆風邪所為也入藏皆能殺人凡尸厥如死脉動如故此陽脉下墜陰脉上爭氣閉故也療方

灸百會百壯鍼入三分補之

又方

鍼足中指頭去甲如韭葉並刺足大指甲下內側去

甲三分

崔氏論曰凡尸厥為病脉動而形無所知陽脉下墜陰脉上爭榮衛不通其狀如死而猶微有息其息不常人乃不知欲殯殮者療之方

吹耳中令三四人更互吹之

又方

以小管吹鼻孔梁上塵如豆大著中吹之令入

又方

針百會當鼻中入髮際五寸許針入三分補之針足

大指甲下肉側去甲三分又針足中指甲上各三分

大指之肉去端韭葉許又針手少陰腕骨之端各一

分

又方

灸臆中季肋間二七壯也

肘後惟云灸臆中集驗同

千金論曰風寒之氣客於藏間滯而不能發故瘖不能言及喉痺失聲皆風邪所為也入藏皆能殺人凡尸厥如死脉動如故此陽脉下墜陰脉上爭氣閉故也療方

灸百會百壯鍼入三分補之

又方

鍼足中指頭去甲如韭葉並刺足大指甲下內側去

甲三分

崔氏論曰凡尸厥為病脉動而形無所知陽脉下墜陰脉上爭榮衛不通其狀如死而猶微有息其息不常人乃不知欲殯殮者療之方

急可以蘆管吹其兩耳極盡以氣吹之立起若人氣極可易人吹之出第四卷中

中蠱毒方二十一首

病源凡蠱毒有數種皆是變惑之氣人有故造作之多取蠱蛇之類以器皿盛貯任其自相噉食唯有一物獨在者卽謂之爲蠱便能變惑隨逐酒食爲人患禍患禍於他則蠱主吉利所以不羈之徒而畜事之又有飛蠱去來無由漸狀如鬼氣者得之卒重凡中蠱病多趨於死以其毒害勢甚故云蠱毒著蠱毒而青黃者是蛇蠱其脉洪壯病發之時腹內熱悶胃脅支滿舌本脹強不喜言語身體常痛

又心腹如似蟲行顏色赤唇口乾燥經年不治肝膈爛而死其面色赤黃者是螻蛄蠱其脉浮滑而短病發之時腰背微滿手脚唇口悉皆習習而喉脉急舌上生瘡二百日不治噉人心肝盡爛下膿血羸瘦顏色枯黑而死其面色青白又云其脉沉濡病發之時咽喉塞不欲聞人語腹內鳴喚或上或下天陰雨轉劇皮內如蟲行手脚煩熱嗜醋食欬唾膿血顏色乍白乍青腹內脹滿狀若蝦蟇若成蟲吐出成科斗形是蝦蟇蠱經年不治噉人脾胃盡唇口裂而死其脉緩而散者病發之時身體乍冷乍熱手脚煩疼無時節吐逆小便赤黃腹內悶胃痛顏色多青毒或吐出



似蜚蠊有足翅翅是蜚蠊蠱經年不治噉人血脉枯盡而死  
 欲知是蠱與非當令病人唾水內沉者是蠱浮者非蠱又  
 云旦起取井花水未食前當令病人唾水內唾如柱脚直  
 下沉者是蠱毒沉散不至下者草毒又云含大豆若是蠱  
 豆脹皮脫若非蠱豆不爛脫又云以鴿皮置病人卧下勿  
 令病人知若病劇者是蠱也又云取新生雞子雞煮熟去皮  
 留黃白令完全日晚口含以齒微嚙微嚙勿令破作兩炊時夜  
 吐瓦上著霜露內旦看大青是蠱毒也昔有人食新變魚  
 魚中毒病心腹痛心下鞭發熱煩冤欲得水洗沃身體推  
 功如魚得水狀有人診云是蠱其家云野間相承從無此毒不作蠱

治遂死其湯燂鐵石別有正方補養宣導今附於後養生  
 方導引法云兩手著頭相又坐地緩舒兩脚以兩手從外  
 抱膝中痛低頭入膝間兩手交又頭十二通愈蠱毒及三  
 尸毒腰中大氣又云常度日月星辰清淨以雞鳴安身卧  
 漱口三咽之調五藏殺蠱蟲令人長生治心腹病又云治  
 百病邪蠱當正卧閉目閉氣內視丹田以鼻徐徐內氣令  
 腹極滿徐徐以口吐之勿令有聲令人多出少以微為故  
 存視五藏各如其形色又存胃中令解鮮明潔白如素為之  
 倦極汗出乃止以粉粉身摩捋形體汗不出而倦者亦可  
 止明日復為之又當存作大雷電隆音光走入腹中為之不止

病自除出第二十五卷中

千金論曰：蠱毒千品，種種不同。或吐下鮮血，或好卧闇室，不欲見光明，或心性反常，乍嗔乍喜，或四肢沉重，百節酸疼。如此種種狀貌，說不可盡。亦有得之三年乃死者，一月或百日即死。其死時，皆於九孔中，或於脅下肉中，出去。所以出門常須帶雄黃、麝香、神丹、諸大辟惡藥，則百蟲、猫鬼、狐狸、老物、精魅，未不敢著人。養生之家，大須慮此。以下亦有灸法。初中蠱於心下，以捺便大作艾炷灸一百壯，並主猫鬼亦灸得差。

又論曰：世有拙醫見患蠱脹者，偏腹腫滿，四肢如故，小便

下甚澁，以水病療之，近服水藥，經五十餘日，望漸痊愈。日復增加，奄致殞殞。如此者，不一。學者當細尋方意，消息用之，萬不失一。醫方千卷，不盡其理，所以不可一一備述云爾。出第二十五卷中

廣濟療蠱毒方：服此升麻散三四日後，即服前光砂丸方。

升麻

桔梗

栝樓 各五兩

右三味，擣為散，以熟湯洗所患人陰中，再以濃汁服方。

寸七日，二服，漸加至二七，內消不利粘食猪肉。出第四卷中

肘後療中蠱毒諸方：人有養畜蠱毒，以病人凡診法中蠱狀，令人心腹切痛，如有物齧，或吐下血，不即療之，食人五

藏蓋卽死矣欲知是蠱與非當令病人唾水沉者是浮者非也小品文仲備急集驗千金並同

又欲知蠱主姓名方

取鼓皮一片燒灰末以飲服病人須臾自當呼蠱主姓名可語令知便卽去病愈矣亦有以蛇涎與合作蠱毒著飲食中使人得瘕病此一種積年乃死療之各自有藥江南山間人不可不信之

又方

以蘘荷密著病人卧席下亦能令呼蠱主姓名也文仲備急千金並同出第三卷中

小品療蠱方

鼓皮廣五寸長一尺薔薇根五寸如足拇指大細切本方云

右二味以水一升清酒三升煮取一升頓服之當下蠱卽愈千金古今錄驗同千金治蠱吐下血

又方

土瓜根大如拇指長三寸切以酒半升漬一宿一服當吐下古今錄驗同

又方

皂莢三挺長一尺者炙去皮子美酒一升漬一宿去滓頓服古今錄驗范汪同肘後云以酒五升分三服

又方

取薺芫根搗為末以飲服方寸匕古今錄驗同

**千金犀角丸療蠱毒百病腹暴痛飛尸惡氣腫方**

犀角末 羚羊角末 鬼臼 桂心各量四錢七

天雄炮 莽草炙 真珠研 雄黃研各一兩

麝香半兩研 貝齒燒灰五枚 赤足蜈蚣五節炙

射罔如雞子三枚 巴豆五十枚去皮心熬

右十三味各搗合篩之以蜜和為丸如小豆大服一丸不知增一丸卒得腹中痛飛尸服如大豆二丸若惡氣腫以苦酒和以塗之甚良以絳囊盛藥繫男左女右臂

辟惡可以備急療萬病也忌如常法崔氏古今錄驗卷二十一

卷中

猪雞蘆笋生葱冷水等

**千金翼療蠱毒方**

槲木北陰白皮一大握長五寸以水三升煎取一升空腹服之即吐蠱出也并並療蠱下血出第十五卷中

**崔氏療蠱方**

黃瓜樓根乾者二兩搗以綿裹酒一升漬一日去滓且溫服之少時即吐利蠱即出出後煮粥飲服一兩蠱吐利即斷不斷即煮人參甘草炙生薑各一兩服之此根唯山南者好出第三卷中

備急療蟲方

取白鴿身毛糞燒灰以飲和服之良

又療蟲方人家雖藏此方而不知如此効驗

擣生栝樓根取汁一升醬汁少許和溫服之須臾吐

蟲出試驗並出第十六卷中

必効療蟲毒大神驗方

大戟

桃白皮

東引者以火烘之

斑斑猫

去尾翅熬等分

右三味搗擣篩為散以冷水服半方寸七一服其毒即出

未出更一服蟲並出李饒州法云奇効若以酒中得則

以酒服若食中得崔氏千金同附後云班猫一分桃皮大戟各二分和以飲服之

東核大米清飲服吐出蟲十日不差更一服千金崔氏云服八捻

又方

胡荽根擣取汁半升和酒服之立下

又方

取未鑽相思子二七枚擣碎為末煖水半盞和攪頓

服之令盡即當欲吐抑之勿吐若耐不得即大張口

吐之其毒即出出訖服稀粥勿食諸肉輕者但服七

枚差無問年月深淺非常神効勿輕之

又試蟲法

取銀匙若筋筋或釵含之經宿色黑即是不黑者非出第

古今錄驗療蟲方

巴豆 十枚去心皮熬

豉 半升熬

釜底墨 方寸匕

右三味搗篩為散清旦以酒服如簪頭大小行蟲主當自至門勿應之去到家立自知其姓名忌蘆筍猪肉等

又雄黃丸主蠱毒中藥欲死方

雄黃 研

硃砂 研

藜蘆 炙

馬目毒公

皂莢 炙去皮二分

莽草 二分炙

巴豆 宋在皂莢上

去心皮熬各二分

右七味精篩以蜜丸如大豆許服三九當轉下先利清水次出蛇等當煩悶者依常法可用鴉鴉羹羹補之忌如常生血

猪肉冷水蘆筍狸肉

又療中蠱毒方

取牡丹根搗末服一錢匕日三服至良忌胡荽

范汪同

又療中蠱孔洽方

以猪膽導下部至良

肘後集驗范汪同並出第四十五卷中

蠱吐血方一十首

病源蠱是合聚蟲蛇之類以器皿盛之任其相噉食餘一

存者名為蠱能害人食人腑藏其狀心切痛如被物噉或

鞭面目青黃病變無常是先傷於膈上則吐血也不即治

之食藏腑盡則死出第二十五卷中

肘後療中蠱毒吐血或下血皆如爛肝方

茜根清兩三

藜荷根各三兩

右二味咬咀以水四升煮取二升去滓頓服即愈又當自知蠱主姓名千金小品崔氏文仲備急古今錄驗同

又方

巴豆一枚去心皮熬

豉三粒

釜底墨方寸七

右三味擣分作三丸飲下一丸須臾當下蠱毒不下更服一丸小品必効集驗文仲備急范汪同並出第三卷中

范汪療中蠱吐血方

麥麩二升熬以水服之令盡當下蠱

又方

苦瓠一枚以水二升煮取一升分服當吐蠱如蝦蟇科斗之類苦瓠毒可臨時量用之肘後千金小品文仲備急古今錄驗同千金云苦瓠一分治下血

又方

生桔梗擣取汁服二三升日二服牛膝根亦得並出第十四卷中

文仲療中蠱吐血方

羚羊皮方三寸敗鼓皮亦佳

苦參

藜荷根三兩

黃連二兩

當歸二兩

右五味切以水七升，取二升分三服。備急集驗同方有苦瓠忌猪肉冷水

又方  
取桑木心剉一斛，以釜中以水淹之，令上有三寸，煮取二斗，澄取清，又微火煎得五升，宿勿食，旦服五合，則吐蠱毒。崔氏集驗古今錄驗同

又方

雄黃研 釜月下黃土 獺肝 炙各 斑猫 十四枚去足

右四味搗末，以酪漿服之，分為三服，則吐蝦蟇。今錄驗方有大黃如棗大，或吐蝦蟇及蛇等物，餘同范汪亦同

崔氏療中蠱吐血方

雄黃研 丹砂研 藜蘆 炙各一兩

右三味，搗篩為散，旦以井花水服一斗，圭當吐蠱毒，忌生血物、狸肉。肘後集驗同 凡蠱有數種，而人養作者最

多也。郡縣有名章者，尤甚。今東有句章，章安故鄉，南有豫章。略 無村不有，無縣不有，而不能如此之甚耳。非唯其

飲食不可噉，乃至目色之已入人類，此輩小易療，復有自然飛蠱，狀如鬼氣者，難療。此諸種得真犀角、麝香、雄

黃為良藥，人可常帶。此亦預防之，易有蠱卦，又子產所說，並以器皿中蠱為蠱，今省凡皿上安一虫字，或作虫

邊大非體也。並出第四卷中。



小品療中蠱心痛吐欲死方

鹽一升淳苦酒一升煮令消和一服立吐蠱毒出已

用良驗附後文仲備急古今錄驗同出第四卷中

蠱下血方九首

病源蠱是合聚蟲蛇之類以器血盛之任其自相食噉餘

留一存者為蠱能變化為毒害人有事之以毒害多因飲

食內行之人中之者心腹懊痛煩毒不可忍食人五藏下

血瘀黑如爛雞肝出第二十五卷中

小品療蠱毒腹痛注下赤血躑躅散方

羊躑躅 乾姜薑 藜蘆熬 附子炮

巴豆去皮心熬 野葛皮 肉桂 丹砂研

雄黃研 蜈蚣炙各一分

右十味擣為散以水服一斗圭不知加一粟米忌猪肉

蘆笋生血物生葱狸肉古今錄驗同

又療蠱下血欲死方

薔薇根剉一升 牛膝五兩 連翹子一升 臘子一彈子許

右四味切以水四升煮取三升分三服即愈古今錄驗同

又療諸蠱大便下血日數十行方

巴豆二七枚去心皮熬 藜蘆炙 附子炮 芫青去足翅熬

礬石各二分熬汁盡

夕堂類要

右五味搗搗下篩別研巴豆如膏和相得以綿裹一大豆許內下部中日二三愈猪肉蘆笋狸肉同前方出第四卷中古今錄驗同並

千金丸忽患下血以上件方療更增劇者此是中蠱其下血狀如鷄肝腹中絞痛急者此方主之

茜根清 升麻 犀角犀 地榆

白蘘荷各四兩 桔梗 黃蘗 黃芩各二兩

右八味切以水九升煮取二升半分三服忌猪肉又凡卒患血痢或赤或黑無有多少此皆是蠱毒粗醫以斷痢處之此大非也

又瘵中蠱毒吐血下血皆如爛雞肝令人心腹絞切痛如

有物齧若不即療令人五藏盡乃死驗之法欲知是蠱令病人嚼水中沉者是蠱浮者非蠱也方

檮木北陰白皮 桃根皮炙一方寸七 蝟皮炙一方寸七

亂髮灰一方寸七 生麻子汁五升

右五味先煮檮皮桃根取濃汁一升和麻子汁亂髮灰蝟皮末等令病者少食且服一升須臾著盆水以雞翮攪吐水中如牛涎犢胎及諸蠱毒之物出第二十五卷中

千金翼療蠱毒下血方

蝟皮燒灰以水服方寸七當吐蠱毒出第十五卷中

崔氏療中蠱下血及毒下殺羊皮湯方

小靈必要 二十八卷 三十一 經錄

羚羊皮

方三寸

藜荷根

四兩

苦參

各三兩

黃連

各二兩

當歸

升麻

犀角

各三兩

右七味切以水九升煮取三升分三服無藜荷根以蒨根代之忌猪肉冷水等物

又療中蠱毒瀉血日夜無度腹痛不可忍方

取白藜荷葉四五枚私內著病人眠卧處席下勿令病人知之若為蠱毒所傷則不肯在上眠即知是蠱毒為病用皂莢三挺炙去皮子打碎用極醱醋四升於甕器中候日正午時漬皂莢又以新白布三尺蓋上布上又橫橫一口食刀正對病人眠牀下安之至來

日午時取藥用蓋藥布濾去滓分三服每服相去如人行十里久若不肯服可將鍼刺兩手大拇指端甲亦不勞深其鍼且勿拔出病人當自服藥蠱毒或吐或大便中出除其血即斷腹痛亦除此方用皆驗並

出第三卷中

古今錄驗療卒中蠱下血如雞肝者晝夜下石餘血四藏悉損唯心未毀或乃鼻破待死方

桔梗搗末以酒服方寸七日三不能下藥以物揭口開灌之心中當煩須臾自靜有頃下蠱至服七日止當服食猪肝臛以補之出第四卷中

五蠱方一十二首

千金太上五蠱丸主百蠱吐血傷中心腹結氣或堅氣塞咽喉語聲不出短氣欲死飲食不下吐逆上氣去來無常狀如鬼祟身體浮腫心悶煩疼寒戰夢與鬼交狐狸作魅卒得心痛上又脅脅痛如刀刺經年累歲著牀不起悉主之方

雄黃 研 椒目 熬 巴豆 去心皮 熬 鬼白

莽草 炙 芫花 熬 真珠 藜蘆 炙

礬石 各四分 獺肝 炙二分 附子 炮去皮 蜈蚣 三枚炙

方 雄 三十枚去足熬

右十三味搗末蜜和更搗一二千杵每服如小豆一丸餘密封勿泄十九為一劑如不中病後日增一丸以下利為度當下蟲種種狀貌不可具載下七日後將息服一劑三十年百病盡除忌五辛猪肉冷水生血物狸肉蘆笋等

又方 酒服桔梗犀角末方寸匕日三服不能自服揭口與藥下心中當煩須臾自靜有頃下至七日止當食猪脾以補之並出第二十五卷中

崔氏療五蠱毒方

一曰蛇蠱食中得之咽中如有物噉之不入吐之不出悶亂不得眠心熱不能食方

服馬兜苓根即吐出又服麝香方寸匕亦自消或吐也

二曰蜚蠊蠱得之胃中忽然或哽入咽怵怵如蟲行效而有血方

服獾胞脂即下或吐或自消也

三曰蝦蟇蠱得之心腹脹滿口乾思水不能食悶亂大喘而氣發方

服車脂半升梁即出

四曰科斗蠱同上療法甚驗

五曰草蠱術在西涼以西及嶺南人多行此毒入人咽刺痛求死方

服甘草蘆汁即自消

又方

五蠱共一法療之但取產婦胎衣切之暴乾為散水和服半錢七五毒自消

又方

含升麻嚙汁

又方

通按  
木草無  
絳草惟  
齒宜主  
蟲性染  
絳末詳  
是否

古今錄驗五蠱湯方

犀角三兩 藜荷根 黃連  
當歸各二兩 羚羊皮方二寸炙  
右六味切以水七升煮取二升分為三服忌猪肉冷水  
又五蠱下列去膏血赤痢丸方

實按  
鬚首計  
絳毛為  
之赤屬  
紅毛布  
也

芫花一升 巴豆一百枚 赤痢方圓一寸  
右三味搗篩以蜜為丸更搗丸如胡豆服一九如下利  
不止以清粥汁止之不下小增之欲令陰除不令大下  
范汪同並出第四十五卷中  
忌蘆笋猪肉

蠱注方三首

病源蠱注者住也言其病遲滯停住死又注易傍人也蠱  
者是聚蛇虫之類以器皿盛之令其自相噉食餘有一箇  
存者為蠱也而能變化人有造作飲事之者以毒害於他  
多於飲食內而行用之中之者心悶腹痛其食五藏盡則  
死有緩有急急者倉卒十數日便死緩者延引歲月遊走

腹內常氣力羸<sup>備</sup>骨節沉重發則心腹煩懊而痛今人所食之物亦變化為蠱漸侵食腑藏盡而死死則病流注染著傍人故為蠱注也出第二十四卷中

范汪療蠱注百病癥瘕積聚酸削骨肉大小便不利卒忤遇惡風臙脹腹滿淋水轉相注殫門盡戶延及男女外孫醫所不能療更生十七物紫參丸方

- 紫參
- 人參
- 半夏洗
- 藜蘆
- 代赭
- 桔梗
- 白薇
- 肉蓯蓉各三分
- 石膏一分
- 大黃一分
- 牡蠣一分
- 用參一分
- 蝦蟇灰
- 烏頭炮四分
- 狼毒一分
- 附子炮五分

巴豆七十枚去心炒熬

右藥搗篩蜜和為丸以飲下如小豆一九日三服老小以意減之蜂蠱所螫以塗其上神良猪羊肉冷水一方無蝦蟇蒸有乾薑四分出第十四卷中

小品雄黃丸療蠱注四肢浮腫肌膚消索欬逆腹大如水狀漏泄死後注易家人方一名蠱脹方

- 雄黃研
- 巴豆去心皮熬
- 莽草炙
- 鬼臼各四分
- 蜈蚣三枚炙

右五味搗篩為末蜜和更搗三千杵藥成密器封之勿令泄氣宿勿食服如小豆一九不知加一九當先下清

水蠱長數寸及一尺蛇或如壞雞子或白如膏下訖後作  
葱豉粥鴨羹補之忌生魚生菜猪肉蘆笋冷水煖食將  
養也千金同出第十四卷中

**集驗** 瘰癧注蠱注毒氣變化無常鮫魚皮散方

鮫魚皮

鵠魚斑皮是

犀角屑

麝香研

龍骨

丹砂研

雄黃研

蘘荷葉根

鹿角

各一分

蜈蚣

一枚多

椒一分

乾薑

一分

貝子

十枚

雞舌香

一分

忌生血物

右十三味搗篩為散空心酒服一錢七日三服出第一卷中  
蠱毒雜療方五首

小品瘰癧似蛇方

雄黃

研

麝香

研

右二味各如大豆許取生羊肺如指大以刀開取雄黃  
等末以肺裹吞之崔氏集驗古今錄驗同

又療人食菜及菓果子中蛇毒方

大豆末以酒漬取汁半升服之又以雞血和真鐵精  
吞如梧子大一丸古今錄驗同

又療有人食新變魚取飽中毒病心腹痛心下堅發熱煩  
冤欲得水沃身動搖如魚得水狀有人診病云是蠱家云  
野中相承無此毒不作蠱瘰瘰之遂死並出第四卷中



千金療人得藥雜蠱方

斑貓六枚去足翅桂心一片如指大釜月下土如罈九大

藜蘆如指大

右四味搗散水服一錢七下蟲蛇蝦蟇蟻蝮白蠱忌生葱狸肉

又療右人中蠱毒腹內堅如石面目青黃小便淋瀝變狀無常方

犀角一兩芍藥三兩黃連二兩本梔子十枚

蘘荷葉四兩牡丹皮一兩羚羊皮方廣五寸

右七味切以水五升煮取一升半去滓分濕再服今錄

驗同出第二十五卷中

古今錄驗療食中有蠱毒令人腹內堅痛面目青黃淋露骨立病變無常方

爐中取鐵精細研別搗搗烏雞肝和之丸如梧子大以

酒服三九日三服甚者不過十日愈後

同出第四十五卷中

貓鬼野道方三首

病源貓鬼者云是老狸野物之類變為鬼或而依附於人

人畜事之猶如事蠱以毒害人其病狀心腹刺痛食人腑

藏吐血痢血而死又野道者是無主之蠱也人有畜事蠱

以毒害人為惡既積乃至死滅絕其蠱則無所依止浮遊

田野道路之間有犯害人者其病發猶是蠱之狀但以其於田野道路得之故謂之野道並出第二十五卷中

千金療貓鬼野道病歌哭不自由方

五月五日取自死赤蛇燒作灰研并花水服方寸七

日一服

又療貓鬼眼見猫狸並耳有所聞方

相思子

葶麻子

巴豆

各一枚

朱砂末

蠟各四銖

右五味搗作丸取麻子許含之即以灰圍患人前頭著

一斗灰火吐藥火中即畫火上作十字其猫鬼並皆死

矣忌猪肉蘆笋生血物翼方有峭粉出第二十六卷中

古今錄驗療妖魅猫鬼病人不肯言鬼鹿角散方

鹿角屑搗散以水服方寸匕病者即言實也出第四十五卷中

自縊死方一十五首

病源人有不得意志者多生忿恨往往自縊以繩物繫頸

自懸挂致死呼為自縊若覺早雖已死徐徐捧下其陰陽

經絡雖暴擁閉而藏腑真氣故有未盡所以猶可救療故

有得活者若見其懸挂便忽遽截斷其繩則不可救此言

氣已擁閉繩忽暴斷其氣雖通而奔並運悶氣則不能還

即不復得生又云自縊死且至暮雖已冷必可活暮至旦

則難療此謂其旦則陽盛其氣易通也夜則陰盛其氣難通也又云夏則夜短又熱則易活又云氣雖已斷而心微温一日以上猶可活也出第二十三卷中

肘後葛氏療自縊死心下尚微温久猶可活方

徐徐抱解其繩不得斷之懸其髮令足去地五寸許塞兩鼻孔以蘆管內其口中至咽令人噓之有頃其腹中礮礮轉或是通氣也其舉手撈人當益堅捉持更遞噓之若活了能語乃可置若不得懸髮可中分髮兩手牽之耳

又方

皂莢末葱葉吹其兩鼻孔中逆出復內之千金備急文仲同

又方

以蘆管吹其兩耳極則易人吹取活乃止若氣通者以少挂湯稍稍嚥之徐徐乃以少粥清與之並出第三卷中

仲景云自縊死且至暮雖已冷必可療暮至且小難也恐此當言陰氣盛故也然夏時夜短於晝又熱猶應可療又云心下若微温者一日以上猶可活皆徐徐抱解不得截繩上下安被卧之一人以脚踏其兩肩手小挽其髮常弦弦勿縱之一人以手按據脣上微動之一人摩捋臂脛屈伸之若已僵但漸漸強屈之並按其腹如此一炊頃氣從

通按  
韻德音  
器按機  
手成如  
極者

口出呼吸眼開而猶引按莫置亦勿苦勞之須令可少桂  
心湯及粥清含與之裁令濡喉漸漸能嚥乃稍止耳向時兼令兩人  
各以管吹其兩耳彌好此最善無不活者並皆療之肘後  
文仲古今錄驗同備急

**備急方**

以麪衣若靴毳厚氈物覆其口鼻抑之令兩人極力  
吹其兩耳一炊頃可活也肘後千金文仲集驗小品

**又方**

懸心下懸牽其頭髮塞兩耳勿令通氣以葱葉刺鼻中兩人  
極力痛吹之噙其兩脚踵跟即活亦可塞鼻而吹口活

也小品古今錄驗同

**范汪療自縊死方**

懸其髮令足裁至地一時許即活

**又方**

急手掩其口鼻勿令內氣稍出二時許氣至即活根  
文仲古今錄驗肘後同急備

**又方**

以縮急絞身體令堅以車牛載行三十里許使人於  
車上行踏肩引髮吹耳如口

**又方**

以松子油內口中令得入咽中則便活

千金療自縊死方

以藍青汁灌之又極須安定身心徐徐緩解慎勿割  
繩抱取心下猶溫者刺雞冠血滴口中即活男用雌  
雞女用雄雞

又方

雞屎白以棗許酒半盞和灌口鼻中即活

又方

梁上塵如大豆各內一筒中四人各一筒同時吹兩  
耳鼻中極力吹之即活

又方

尿鼻口眼耳中並捉頭髮一撮如筆管大掣之立活  
並出第二十六卷中

刪繁療五絕死方

一曰自縊二曰墻壁所連三曰溺水四曰魘魅五曰  
產乳皆取半夏一兩壽節吹一大豆內鼻孔中即活  
心下溫一日者亦可活

熱暈方七首

病源夏月炎熱人多冒涉途路熱毒入內與五藏相並  
邪熾盛鬱熱不宜致陰氣卒絕陽氣暴擁經絡不通故昏

然悶絕謂之暈也然此乃外邪所擊真藏未壞若遇便療救氣宜則蘇也夫熱暈不可得冷得冷便死此謂外邪卒以冷觸其熱蓋積於內不得宣發故也又胃熱困乏候人盛暑之時觸胃大熱熱毒之氣入藏則悶鬱胃至於因乏也並出第二十三卷中

肘後夏月中熱暈死凡中暈死不可使得冷得冷便死療之方

以屈革帶繞暈人臍使三四人屣其中令溫亦可用泥上屈草亦可扣瓦椀底若脫車缸以著暈人臍上取令尿不得流去而已此謂道路窮急無湯當令人

尿其中仲景云欲使多人尿取令溫若有湯便可與之仲景云不用泥及車缸恐此物冷暈既在夏月得熱土泥暖車缸亦可用也備急文仲集驗小能千金同

又方

灸兩乳頭各七壯千金同

又方

取道中熱塵土以積暈人心下多為佳少冷即易通氣也千金同

又方

搗菖蒲汁飲之一二升

又凡此療自經溺腸之法並出自張仲景為之其意理殊絕殆非常情所及亦非本草之所能開悟實拯救人之大術矣傷寒家別復有腸病在上仲景論中非此遇熱之腸

文仲同出第七卷中

千金療熱腸方

可飲熱湯亦可用少乾薑橘皮甘草煮飲之稍稍噦勿頓使飽但以熱土及熱灰上擁其上佳古今錄驗同

文仲療夏月喝死方

濃煮蓼汁灌三升不差更灌之附後千金同

古今錄驗療熱腸方

令人口噓心前令暖易人為之附後同

溺死方九首

病源人為水所投溺水從孔竅入灌注腑藏其氣擁閉故死若早拯救得出即泄瀉其水令氣血得通便得活又云經半日及一日猶可療氣若已絕心下暖者亦可活出第二十三卷中

肘後療溺死一宿者尚可活方

以皂莢末綿裹內下部中須臾出水則活古今錄驗同

又方

倒懸解衣挑去臍中垢極吹兩耳即活集驗千金小品文仲備急同

又方

倒懸死人以好酒灌鼻中立活千金備急文仲古今錄驗同

又方

取甕傾之以死者伏甕上令口臨甕口然以蘆火二七把燒甕中當死人心下令煙出小入死者鼻口中鼻口中水出盡則活蘆盡更益為之取活而止常以手候死人身及甕勿令甚熱冬天當令火氣能使死人心下得足煖若卒無甕可就岸穿地令如甕燒之令煖乃以死人著上亦可用車轂為之當勿隱其腹及令得低頭使水出并熬灰數斛以粉身濕即易千金同小兒瘳溺死若身尚暖者方

取灶中灰兩石餘以埋人從頭至足水出七孔即活

備急千金肘後同

又方

便脫取暖釜覆之取溺人伏上腹中出水便活也肘後同並出第十卷中

千金療落水死方

以灶中灰布地令厚五寸以甕側著灰上合死人於甕上使頭小垂下炒鹽二方寸七內管中吹下孔中即當吐水水下因去甕下以死人著灰中擁身使出鼻口即活矣



又方

掘地作坑中，焚灰數斛，內坑中，下死人，覆灰濕徹，即易之，勿令灰熱烙人，冷即易之，半日即活。

備急療溺死方

屈死人兩脚著人肩上，以死人背向生人背，負持走。

吐出水便活。

肘後云亦治凍死。千金肘後文仲集驗。小品古今錄驗同出第八卷中。

凍死方一首

病源人有在途路，逢凄風苦雨，繁霜大雪，衣服濡濡，冷氣入藏，致令陰氣閉於內，陽氣絕於外，榮衛結澁，不復流通，故致噤絕而死。若早得救療，血溫氣通則生。又云凍死一

日猶可活，過此即不療。

出第二十三卷中。

肘後瘖冬天墮水凍四肢直口禁，裁有微氣出方。

以大器中多熬灰，使煖，囊盛以薄其心上，冷即易心。

煖氣通，目則得轉，口乃開，可溫厥，粥稍稍含之，即

活。若不先溫其心，便持火炙其身，冷氣與火相搏，則

死。集驗備急文仲千金古今錄驗同。

八井塚問方二首

肘後云此事他方少有其說，且人為之寡，不俟別條。今於水凍之後，附此乃是地氣薰蒸，蓋亦障霧之例。服諸解毒犀角雄黃麝香之屬，豉豆竹瀝升麻諸湯亦應為佳。出第三卷中。

小品療入井塚悶胃方

凡五月六月井中及深塚中皆有伏氣入中令人鬱悶殺人如其必須入中者先以雞鴨雜鳥毛投之直下至底則無伏氣毛若徘徊不下則有毒氣也亦可內生六畜等置中若有毒其物即死必須入不得已當先以酒若無以苦酒數升先灑井塚中四邊畔停少時然後可入若覺中有些氣鬱悶奄奄欲死者還取其中水灑人面令飲之又以灌其頭及身體即活若無水取他水用也附後千金錄驗同出第十卷中古今

千金療入井塚毒氣方

取他井中水灑身上至三食頃便活若東井取西井南井取北井中水用之出第二十六卷中

右迪功郎充兩浙東路提舉茶鹽司幹辦公事張寔校勘

外臺秘要方卷第二十八

小品療入井塚悶胃方

凡五月六月井中及深塚中皆有伏氣入中令人鬱

長壽要方卷第二十八

神機

古與水潤衣兩淋東組掛舉茶盤石領繼公率飛

南井外井中水用之

出藥二十六卷中

外井中水懸粒土至三食融則部苦東井頭西井

